

Hopi alegria na aeropuerto cu yegada di Gianni Ferrara



ORANJESTAD (AAN): Ayera tur esnan cu tabata mira e yegada di e hobencito di ocho aña Gianni Ferrara a biba e alegria hunto cu e famia cu a bay ricibie na Aeropuerto Internacional Reina Beatrix.

Gianni Ferrara a yega Aruba riba un avioneta priva Air Commander YV-714-CP cu a bin for di Caracas.

Ta ser papia cu esaki ta un avion cu ta pertenece na P.T.J. (Policia Tecnica Judicial) y cu a bin Aruba especialmente pa trece e hoben libera hunto cu su tata.

Na yegada na aeropuerto e avion a para na e parti zuid di e pista y cu un van di Airport Security e pasaheronan a ser hiba na e sala di yegada unda eyan tabata tin henter e famia y casi henter prensa ta warda nan.

Ora cu Gianni a sali pafor, varios miembro di prensa a aserke pa asina haci entrevista cune locual ningun rato a ser nenga di parti di e famia.

Segun Gianni a bisa, cu e cuminda cu nan tabata dune durante cu e tabata secuestra tabata mas bien loke cu e tabata gusta cu ta e cuminda Italiano manera pasta, spa-

ghetti y tambe arroz cu carni.

Mientras e tabata den man di e secuestradornan e no a worde maltrata y segun DIARIO a compronde for di dje mes, cu e tabata mas bien mira television henter dia y su canal preferi tabata canal cuater di Venezuela.

E tata tambe a duna algun declaracion na prensa local y posteriormente a sali rumbo pa cas, mientras cu Gianni y e mama ya caba a bay dilanti den otro auto.

Na yegada na cas tur cos tabata prepara unda varios conocir y familiares a bin

hunto pa asina celebra Gianni su yegada atrobe na cas despues di mas of menos dos luna cu el a ser secuestra y hiba Venezuela.

Pa loke ta e investigacion cu ta sigui na Venezuela, tin indicacion cu pronto e familiaran di Gianni Ferrara cu

tabata na e cas riba e anochi di secuestro, lo bay Venezuela pa asina mira cual di esnan deteni ta involvi den e caso na e cas situa na Lloyd G. Smith Boulevard ya cu esnan cu a bin na e cas dia di e secuestro no tabata tin nan cara tapa.

CUIDA NOS PISINANAN!!



Telefonnan di DIARIO

826747

Fax:

828551